



CONVENIO DE COLABORACIÓN ENTRE O CONCELLO DE MOECHE E A ASOCIACIÓN ECUESTRE 23 DE ABRIL PARA A ORGANIZACIÓN DA FEIRA DO CABALO DO ANO 2016

Dunha parte, DONA BEATRIZ BASCOY MACEIRAS, con D.N.I. núm. 32776404R, en calidade de Alcaldesa do Concello de Moeche, e actuando en nome e representación do mesmo. asistido da Secretaria da Corporación D. Consolación Couce Calvo, que da fe do acto.

Doutra parte D. URBANO VILARNOVO CALVO, con DNI núm: 32623389M, en calidade de Presidente da “Asociación ecuestre 23 de abril”, con CIF G15682958, en nome e representación desa entidade.

Ambas as dúas partes recoñécense mutuamente a capacidade para obrigarse na representación que posúen e, polo tanto, para o outorgamento do presente convenio de colaboración e

MANIFESTAN

De acordo co previsto na lexislación vixente as administracións públicas atópanse habilitadas para concertar os contratos, pactos e condicións que teñan por convenientes, sempre que non sexan contrarios ó interese público, ó ordenamento xurídico e os principios de boa administración.

Así mesmo as normativas estatal e autonómica sobre réxime local, habilitan ás corporacións locais para prestar, para a xestión dos seus intereses e no ámbito das súas competencias, toda clase de actividades e servizos públicos que contribúan a satisfacer as necesidades e aspiracións da comunidade veciñal.

Por outra banda a Lei de Bases de Réxime Local prevé que o municipio exercerá, en todo caso, competencias en relación con actividades culturais, ocupación do tempo libre e turismo.

A Base 30.2 das de Execución do Presuposto do Concello de Moeche para o exercicio 2016 establece que

1. A normativa que rexe o procedemento de concesión directa de subvencións vén determinada polos artigos 28 da Lei 38/2003, de 17 de novembro, Xeral de Subvencións e 65 e seguintes do Real Decreto 887/2006, de 21 de xullo, polo que se aproba o Regulamento da Lei Xeral de Subvencións.

2. O procedemento para a concesión destas subvencións iníciase de oficio pola Alcaldía ou Concelleiro delegado, no seu caso, e axustase o establecido na ordenanza Xeral de subvencións do Concello de Moeche, aprobada polo Pleno da Corporación en sesión de 26 de xaneiro de 2.006

3. As subvencións de concesión directa polo concello previstas no orzamento do exercicio de 2.016 son as seguintes:

- **Organización da Feira do 23 de abril.-** Establecese a sinatura dun convenio de colaboración coas entidades asociativas organizadoras da Feira do 23 de abril por un importe de 6.000 €. con cargo a partida 338.480.00 do orzamento de gastos.

Polo exposto, o Concello de Moeche a “Asociación ecuestre 23 de abril” , en base a eses obxectivos e intereses comúns, acordan subscribir o presente acordo de colaboración en atención ás seguintes:

CLÁUSULAS

PRIMEIRA.- É obxecto deste convenio de colaboración é a organización da “FEIRA DO CABALO ” do 23 de abril de 2016

SEGUNDA.- A “Asociación ecuestre 23 de abril” realizara os traballos necesarios para a organización da “FEIRA DO CABALO ” en colaboración co concello e baixo as directrices deste.

TERCEIRA.- O Concello de Moeche fará unha achega económica de 6.000,00 euros no presente ano 2015, en concepto de axuda para sufragar os gastos derivados das actividades deste convenio,

O pagamento desta axuda será aprobado pola Xunta de Goberno Local, estando condicionado ao cumprimento pola entidade do previsto na estipulación cuarta do presente convenio.

O pagamento farase da seguinte maneira:

- A metade do importe da axuda (3.000,00 euros) aboarase tras a sinatura do presente convenio
- O importerestante farase efectivo tras a xustificación da realización das actividades comprendidas no presente convenio por parte da “Asociación ecuestre 23 de abril”, segundo o indicado na cláusula seguinte

CUARTA.- O Concello de Moeche ademais da achega económica que figura arriba comprométese a:

- a) subministrar as vallas necesarias para a realización da Feira do Cabalo (máximo 200)
- b) garantir a presenza dos membros de Protección Civil que a entidade organizadora considere necesarios
- c) contratar unha ambulancia que permaneza no recinto feiral durante a celebración da feira do cabalo
- d) tramitar ante a Xunta de Galicia e financiara os servizos de veterinaria necesarios para a feira



- e) apoio nos labores previos de preparación do recinto por parte dos operarios municipais.
- f) inserir un anuncio publicitario nun medio de comunicación
- g) a impresión do cartel anunciador da feira.
- h) fornecer á entidade dos trofeos correspondentes ao concurso celebrado na Feira do Cabalo
- i) solicitar ante a Subdelegación do Goberno a presenza das Forzas de Seguridade
- j) solicitar os campos e predios necesarios para a feira, previo acordo coa entidade organizadora.

QUINTA.- Pola súa parte a Asociación Ecuestre 23 de abril, ademais das obrigas e responsabilidades propias da organización deste evento como tal entidade organizadora, asume Realizar, en coordinación co Concello, todas as actividades conducentes a celebración da **"FEIRA DO CABALO "** e que consistiran, entre outras, nas seguintes:

- a) Preparación do recinto para a celebración das actividades, e a posterior limpeza do mesmo.
- b) As que se derivan da celebración das das diversas probas, incluíndo (xuíces, cronometraxe, trofeos etc.)
- c) O control dos cabalos inscritos, tanto o sanitario como calquera outro esixido polas diferentes administracións publicas para a realización da feira.
- d) A subscrición dunha póliza de seguros que cubra as posibles responsabilidades que se puideran derivar da mesma
- e) A publicidade e difusión do evento.
- f) asumir o custe da presenza do persoal médico que acompaña á ambulancia arriba citada
- g) facerse cargo da conexión eléctrica que requiran os postos que asistan á feira do cabalo
- h) solicitar os campos e predios necesarios previo acordo co Concello de Moeche
- i) responsabilizarse e xestionar a distribución e a presenza daqueles postos de feira que asisten á feira do 23 de abril e que non participan nas feiras mensuais que teñen lugar no Concello de Moeche.
- j) Xustificar antes do 30 de xuño de 2015, podendo ser ampliado o prazo previa petición razoada e por causas xustificadas, as actividades realizadas mediante a presentación de facturas ou demais documentos de valor probatorio equivalentes, con validez no tráfico xurídico mercantil ou laboral, (TCS, cartas de pago etc.). O importe dos gastos xustificadas debe ser como mínimo o da suma de todas as axudas económicas concedidas no presente exercicio. No suposto de que non se presente xustificación polo importe esixido procederase á minoración proporcional da subvención concedida esixindo á asociación beneficiaria, no seu caso, o reintegro da cantidade correspondente.

k) Someterse ás actuacións de comprobación e seguimento da aplicación do convenio polo Concello de Moeche, cos medios que estime oportunos e facilitarlle canta información sexa requirida, se for o caso

l) Calquera outra que se pida derivar da organización da **"FEIRA DO CABALO "**

SEXTA.- O período de vixencia deste convenio é a presente anualidade de 2016.

A aprobación deste convenio imposibilita á asociación solicitar ao Concello de Moeche outras subvencións para a organización da feira do 23 de abril.

SÉTIMA.- Son causas de resolución do presente convenio as seguintes:

- 1) A desviación da axuda concedida para fins distintos dos que motivaron a súa concesión
- 2) O incumprimento por parte da asociación dos requisitos e obrigas establecidas neste convenio
- 3) A falta de xustificación do emprego das contías recibidas
- 4) As contempladas, con carácter xeral, no artigo 37 da Lei Xeral de Subvencións

No caso da resolución do convenios por mor das causas anteditas, a "Asociación ecuestre 23 de abril" deberá proceder ao reintegro dos fondos efectivamente aboados polo Concello, coa esixencia dos xuros de demora correspondentes dende o momento do pagamento da axuda até a data en que se acorde a procedencia do reintegro.

OITAVA.- O presente convenio subscríbese no ámbito de aplicación da Lei 38/2003, Xeral de Subvencións, polo que aqueles aspectos do convenio que poidan suscitar dúbida serán interpretados en función do prescrito na devandita lei

E en proba de conformidade co anterior, asinan este documento por duplicado o día 13 de abril de dous mil dezaseis.

A ALCALDESA,

O PRESIDENTE DA ASOCIACION
ECUESTRE 23 DE ABRIL,

D. Beatriz Bascoy Maceiras

D. Urbano Viarnovo Calvo

A SECRETARIA,

Consolación Couce Calvo